

Regâl di fin an pal furlan

208 mil I finanziaments de Arlef sui bants trienai pe lenghe

La Agjenzie regionâl pe lenghe furlane e à publicât sul sît www.arlef.it la graduatorie finâl relative ai ultims finanziaments dâts fûr sul finî dal an. Si trate dai risultâts de valutazion dai progjets presentâts daûr dai bants trienai 2015-2017 che a scjadevin ai 25 di Novemar e che il Comitât tecnic scientific al à judicât ai prins di Dicembar.

PROMOZION DE LENGHE

Un al rivuarde lis risorsis par 'sostignî lis ativitâts di promozion de lenghe furlane inte ricercje scientifiche' e al à come finalitât promovi la alfabetizazion in lenghe furlane sul teritori e incentivâ la difusion de grafie uficiâl dal furlan. Il progjet che al à cjapât i 20.000 euros a disposizion al è stât chel presentât de Societât Filologjiche Furlane cul 'Cors pratic di insegnament dal furlan', une iniziative puartade indevant di agns.

Par chel che al rivuarde invece chel altri bant trienâl, che al meteve a disposizion lis risorsis par 'sostignî lis ativitâts di promozion de lenghe furlane inte editorie', i obietifs di finanziâ a jerin 5 che a vevin chestis finalitâts: a) sostignî la presince de lenghe furlane tes ativitâts informativis e promo-



Publicade la graduatorie finâl dai ultims finanziaments pai progjets presentâts daûr dai bants trienai 2015-2017 par sostignî lis ativitâts di promozion de lenghe sul teritori e pe editorie su cinc obietifs diferents.

» DI CHRISTIAN ROMANINI

zionalis realizadis di emitentis radiofonichis (cuntun massim finanziabil di 26.500 euros); b) sostignî la presince de lenghe furlane tes ativitâts informativis e promozionâls realizadis di emitentis televisivis (cuntun massim finanziabil di 26.500 euros); c) promovi la produzion di oparis audiovisivis in lenghe furlane realizadis di produtôrs indipendents (cuntun massim finanziabil di 26.500 euros); d) promuovi la lenghe furlane tal setôr des rivistis par fruts (cuntun massim finanziabil di 30.000 euros); e) promovi la presince de lenghe furlane tal setôr des gnovis tecnologjiis

(cuntun massim finanziabil di 1.000 euros).

RADIOS

Pes radios a son stadis ametudis a finanziament 2 iniziativis progjetuâls: 'Radio Ative' presentade di Informazion Furlane e 'Çurviei Scjampâts' presentade di Radio Spazio 103.

NIETELEVISION

Magari cussì no, nissun progjet al è stât ametût pal obietif 2 che al rivuardave lis emitentis televisivis e duncje lis risorsis a disposizion a son stadis dirotadis

su lis produzionis indipendentis, ven a stâi l'obietif 3 che al à cussì 4 iniziativis progjetuâls ametudis a finanziament: 'Restâ cu la Int' presentade di Raja Films; 'Mancul Mâl' di Felici Ma Furlans; 'Friûl Revolution' di Informazion Furlane e 'Int-Art' di Agherose. Come che si viôt inmò une volte il setôr de produzion indipendente in lenghe furlane al dimostre di jessi una vore vivarôs, sedi par chel che al rivuarde la realizazion di videodocumentaris (cui progjets di Raja Films e Agherose), sedi par chel che al rivuarde la fiction (cui progjets di Felici Ma Furlans e Informazion Furlane).

PAI FRUTS

Par chel che al rivuarde la produzion editoriâl par fruts, il progjet ametût a finanziament al è 'Alc & Cè', la riviste pai plui piçui presentade de 'Editrice La vita cattolica'.

Al siere l'obietif relativ aes gnovis tecnologjiis cul progjet presentât de aziende Ensoul srl che e realizarà la traduzion par furlan di Wordpress.



ilfriuli@ilfriuli.it

SCOLTADIS DI DRIUS

Ce porcarie!

Catine, rivendiule in piazze San Jacum, ogni buinore e usave a bevi un bussul, ançe doi, di sgnape. Pene parade jù i diseve al l'ustîr: "Viôt tu ce sorte di porcarie che bevin chei omps!".

Euronews informa

Nando Toso, mestri di paisaçs

Fin ai 14 di Fevrâr la antologjiche inte glesie di Sant Antoni abât di Udin

Il colorisim che al cjape plui formis di Nando Toso al è l'aspiet che plui al salte tal voli inte opare pitôrche dal artist furlan, che la Provincie di Udin i à dedicât un dovût tribût tal agâr dal percors di valorizazion dai personaçs locâi de art dal di di vuê, inviât di cuachi an. Une otantine di oparis dal pitôr udinês e son esponudis in te glesie di Sant Antoni abât a Udin, une antologjiche su la produzion artistiche di Toso che e larà indevant fintremai ai 14 di Fevrâr (da lis 10 a lis 12.30 e da lis 16.30 a lis 19, lunis sierât. Jentrade libare). Al è un tassell di un cualificât progjet sul eclectic pitôr furlan che al cjape dentri ançe un catalic monografic, la cunvigne su la art tai edificis publics che si è tignude a palaç Belgrât tai dîs passâts, un



concerti in calendari pe Primevere dal 2016 e ativitâts didatichis pes scuelis. La rassegne e je dedicade a dute la opare dal artist furlan Nando Toso (Udin, 1921 - li,



2010) e e cjape sù i aspiets plui impuartants e rimarchevui de sô produzion artistiche. Tra i fondadôrs dal Centro Friulano Arti Plastiche, l'artist si è dât dongje a sis edizions

dal Intart, a trê mostris internazionâls di grafiche e a diversis altris manifestazions in Italie e in Europe. Lis salis espositivis a cjapin dentri une vore di esemplis de piture di Toso cu lis sezions che a puartin il non di "Esordi", "Paesaggi", "Periodo informale" e "Inquietudini" dulà che i ricuarts e lis visions si trasformin in segns e colôrs. Dôs sezions a son dedicadis ai argoments dai "intarsi di colore". "Le ultime luci" al è il teme sugjestif de penultime sezion. La ultime sale de zone de abside de glesie e je dedicade ai autoritrats e al ritrat di Nando Toso fat dal mestri Guido Tavagnacco. La mostre e je stade screade ae presince dal president de Provincie di Udin, Pietro Fontanini, dal assessôr ae Culture Francesca Musto, dal president dal Consei provinciâl, Fabrizio Pitton, e dal sindic di Talmassons Piero Mauro Zanin, cui intervencs di Giuseppe Bergamini e Gianfranco Ellero, curadôrs de mostre, Andrea e Marco Toso, fis dal artist.